

畿

輔

安

瀾

志

畿輔安瀾志

滹沱河卷一

原委

滹沱河卷二

故道

附載

滹沱河卷三

隄防

橋渡

滹沱河卷四

修治

官司

祠廟

水利

畿輔安瀾志

臣王鳳泰恭纂

滹沱河卷一

原委

滹沱河卽惡池也源出山西代州繁峙縣東北之泰  
戲山品字泉西南流合玉斗泉又西合老泉又西合  
華嚴嶺水

山海經北山經秦戲之山滹沱之水出焉而東流

注於漚水郭璞註今漚沱水出鴈門鹵城南武夫  
山 周禮職方氏正北曰并州其川漚池嘔夷

禮記禮器晉人將有事於河必先有事於惡池鄭  
氏註惡當爲呼聲之訛也 前漢書地理志師古

註漚池出鹵城漚音呼池音沱代郡鹵城漚沱河  
東至叅合入漚沱別過郡九行千三百四十里并  
州川從河東至文安入海過郡六行千三百七十  
里 通典代州繁峙縣泰戲山一名武夫山在縣

南九十里潯沱河水山焉 太平寰宇記亦名平

山亦曰戊夫山今曰派山

羅案沙河亦出派山亦曰派河詳沙河篇 潯

沱河源出縣東南孤阜山

謹案潯沱河在繁峙縣東北百三十里

通典作縣南寰宇記

作縣東南與作九十里紀要作百秦戲山涓流甚

二千里今水經止作三十里更非 微列如品字爲品字泉西南流三里至故福都合

玉斗泉亦名青龍泉又西數里復有三泉亦列如

品字爲三泉都之三泉流注之

此即老泉

又西流至沙

淵泉合北樓口水

此疑即山海經之漢水不可考矣

又西流至新

興村合華嚴嶺水

山西通志在繁峙縣東南百里西北入滹沱

又案

虜池滹池惡池滹沱虜沱秦詛楚文又作亞駝字

形雖異音則同寰宇記云魯口城蓋滹沱有魯沱

之名因號魯口此則別爲一名疑因滹沱出鹵城

因以鹵爲魯而魯口本不因鹵城而名且亦不在

代也

詳沙河篇平虜渠

又徐堅初學記引水經注逸文作

溲池名勝志又云山海經文作滹池皆不足據又

秦戲山禹貢考作秦戲石瑤滹沱河記明一統志  
山西通志皆因之方輿紀要謂山海經大戲山或  
訛爲秦戲未知何據考今本山海經作泰諸書亦  
多作泰從秦戲爲是 又案滹沱河大約唐以前  
多云出鹵城唐以後多云出繁峙鹵城繁峙均爲  
漢縣鹵城隸代郡繁峙隸鴈門鹵城省并之後不  
復置遂直云繁峙耳又漢志河間國樂成下則言  
滹沱別水弓高下則云滹沱別河而鹵城下則云



入滹沱別過郡九或疑別字下亦當有河字似言  
入別河則過郡九從河則過郡六也而鄭氏通志  
顧氏紀要第言過郡六紀要且以爲代郡太原正  
定常山鉅鹿渤海也明史則又刪去過郡六三字  
第云迴環千三百七十里是皆第據漢志之半以  
明之豈以志文兩歧有所難通耶考滹沱過郡九  
當是代鴈門常山正定涿中山信都河間渤海第  
過郡多而所行反短誠有不可曉者志云東至參

合志所云參合亦在代郡若作東至參合入滹沱  
別河則參合下無明文而河間國樂成弓高下始  
有滹沱別水別河禹貢雖指疑以參合爲渤海郡  
參戶之誤紀要謂參戶在滄州蓋卽今由青縣杜  
林鎮入運之一支則是又成從渤海郡過郡九矣  
亦非也雖指引漢志亦刪去過郡九行千二百四  
十里句亦自知其證之難通也據志文滹池河東  
至參合入

句言從此  
入代郡也

滹沱別過郡九行千二

三或作

百四十里

言以滹沱別流過郡言之則如此也

并州川從河東至文

安入海過郡六行千三百七十里

言以滹沱從河東至於海言之

則又如此也

文意見明句讀誤耳別字之下亦無須增

入河字既以別爲別河乃或以從河亦作河之一

稱則自來無此名目至於所過之郡道里短長則古今水道變遷不能曲爲之解也 又案明石瑤

滹沱河記周夢暘水部備考皆謂滹沱河班固序

禹貢九河所謂徒駭是也舊真定府志平山縣志

皆因之其說起於嘉靖間知深州錢梗乃陸隴其  
作滹沱河考亦取之考漢書地理志總敘無此文  
惟渤海郡成平縣下云滹沱河民曰徒駭河據此  
則滹沱之在成平者亦民自稱爲徒駭耳明其爲  
原非徒駭也況不辨其地而直以滹沱爲徒駭乎  
更不待詳其源流之各異而如知其非矣

逕縣城南又西入代州則有三里河西戕河  
東關河羊頭神河九龍河諸水入焉

方輿紀要滹沱河在州南白繁峙縣西流入州界  
又鴈門山下有水東南流逕州城東關廂名東關  
水又南入於滹沱或謂之常溪水（山西通志七  
里河州西七里三里河在州西南三里經西關南  
入滹沱西找河在州西南一里源出荆山北流入  
滹沱羊頭神河二在州西二十里一源茹解都黑  
河一茹解都黃龍池名西河又滙龍祠池上池水  
又九龍河在州西北三十五里胥南流入滹沱

又西南流逕崞縣東南則有龍泉南橋河陽武河銅河北橋河板橋河諸水入焉

明史地理志崞縣東南有滹沱河龍泉在縣西北有二源北曰上龍泉南曰下龍泉流分二派合流入滹沱 山西通志陽武河在縣南二十里源出太子崖東流至雙陵村入滹沱銅河在縣南七十里源出福壽山南橋河在南郭門外北橋河在北城門外板橋河在縣北二十五里俱東流入滹沱

又西南流逕忻州

漢爲陽曲縣唐曰秀容

北之忻口逕蝦蟆石

折而東逕定襄縣北忻川水合沙河南河金水河一  
滴泉前山泉海滿泉注之牧馬川合石代橋溝嵐水  
綠水泉三會泉諸水入焉

元和郡縣志定襄縣滹沱水西自秀容縣流入

太平寰宇記水經云滹沱南懸忻中口俯會忻川

水出西管涔東山肆盧水今名雲中水一名分嶺

水 明史地理志忻州北有滹沱河又有忻水

名肆盧川自北流入焉 方輿紀要 滹沱河在州  
北五十里自崞縣流入經忻口山下北入定襄縣  
界雲中水在州西北七十里一名肆盧川亦曰忻  
水與州南牧馬水合流入滹沱牧馬水源出州南  
五十里白馬山東北流逕三交村有牛尾莊水流  
合焉東北入定襄叢蒙山下有泉三穴流合爲一  
曰三會河同注於滹沱 山西通志 蝦蟆石在忻  
口北東岸以形似名南河出石佛嶠前山泉出南



營屯一滴泉在浮屠山北海滿泉出嘉禾俱南入  
雲中河石代橋溝在州西百二十里嵐水出西山  
北綠水泉在雙堡北俱入牧馬河

謹案山海經北山經白馬之山木馬之水出焉而  
東北流注於滹沱方輿紀要白馬山在孟縣東北  
三十里圖經白馬之山白馬之水出焉又牧馬水  
在縣北七十里源出白馬山是以白馬水牧馬水  
爲二水也又牧馬河二源至三交村之牛尾莊合

流逕城南七里東北入定襄界注潯沱是白馬卽  
牧馬亦是二水山西通志牧馬河引水經白馬之  
山牧水出焉水經無此文當是引山海經而訛也  
據山海經則牧馬當是木馬而白馬牧馬實一水  
也

又東南流逕代州五臺縣西南合聖阜水又華嚴河  
東峪河野馬溝注之又清水河合射虎川盧虜水虜  
陽河入焉

太平寰宇記聖阜今名聖人山水經注云潯沱水

東流經聖人阜阜下有泉在五臺縣西南四十八

里方輿紀要二會水東北流合聖阜水牧馬水

自忻州流合焉同注於潯沱河潯沱河在縣西南

三十五里自定襄縣流入界縣西三十里有華嚴

河平地發源

謹案山西通志有泉岩河出縣西三十里華岩村至槐陰合潯沱疑卽華

嚴河也

又聖阜山在定襄縣東北二十里聖阜水出

焉山西通志五臺縣射虎川在縣東北百三十

里盧虎河本名慮虎

謹案前漢書地理志慮虎師古曰音慮素

源出縣

西北十五里王村流環縣東南一名縣河入南峪

合虎陽清水二河虎陽河在縣東北四十里發源

平地入獨擔山峽口經東明山下至河口清水河

源出東北百六十里華嚴嶺西南流逕飯仙山下

至石溝嘴合射虎川虎陽河盧虎水入滹沱又東

峪河發源移城村逕孫家莊百蘭村至河門入滹

沱野馬溝自探頭至滹沱七十里

又東南流逕平定州孟縣北則有烏河溫泉注之又  
有龍化河淮興道村泉注之

元和郡縣志孟縣滹沱水西自代州五臺縣流入

明史地理志太原府孟縣

謹案孟舊屬太原府

北有滹沱

河 方輿紀要滹沱河在孟縣北七十里又東南  
流逕縣境而入年山縣界龍化河在縣北四十五  
里一名興龍泉北流至榆聚關入於滹沱河 山  
西通志烏河出西境諸山環烏川而北又北而東

入滹沱興道村泉在縣北四十里坡湧三泉迤北

至中杜入龍華

謹案卽龍化之訛

溫泉在縣北百二十里

滹沱北岸有三穴一穴出盤石中尤熱其水南入

### 滹沱河

謹案山海經泰頭之山共水出焉南注於滹池空  
桑之山空桑之水出焉東流注於滹沱石山護護  
之水出焉而東流注於滹沱鮮于之水出焉而西  
南流注於滹沱四水今皆無考又高是之山滋水

出焉而南流注於滹沱今滋水會唐沙二水於祁

州東南入白洋淀歸海不入滹沱亦與古異

詳滋河篇

又東流至直隸正定府平山縣西北境惡石口一名  
卧石口細水河自孟縣來注之又有泐泐水自西來  
注之

二統志惡石口在平山縣西北一百四十里滹沱  
河自山西經此入縣界 山西通志孟縣細水河  
今名秀水河在縣西南東與西河會達平山入滹

沱 方輿紀要忽忽水平山縣西北百二十里〔謹案〕

平山縣志作勿勿自半山湧出達於平地又有忽水縣西一百里

忽水口

〔謹案〕滹沱河諸書皆以爲自山西孟縣流入直隸境或又謂自五臺縣閭家莊流入考孟縣在惡石口南五臺在惡石北滹沱流逕二縣之中而入平山縣屬惡石東有惡石口村在滹沱南岸

又東流五十里則有兩小水出自縣北山南流注之



謹案二水疑卽濊河蒲水也方輿紀要濊河在平

山縣北源出房山

此非今房山縣之房山

東流入行唐縣界

一統志亦曰在縣北第以爲舊入行唐則是今不

入也紀要又引寰宇記卽石曰河也寰宇記以濊

水爲石曰水又謂之鹿水木刀溝袈裟水則是諸

水皆因濊河而異名也

詳見沙河篇

又以爲出行唐入

博陵則亦據舊入言之也舊志濊河在平山西北

流至縣東北入滹沱

滹沱已在縣北則濊水又有滹沱之北矣

今上流

爲滋河所亂故道已湮下流淤塞亦不復東行一  
統志木刀溝在新樂縣西南舊自平山行唐流入  
言舊自則今不自平山行唐矣是滅河之流已與  
木刀溝隔斷今微源不絕尚自入滹沱耳又紀要  
云蒲吾渠在平山縣西亦曰蒲水後漢明帝引爲  
渠古今詩後漢永平十年作常山呼沱蒲吾渠通  
漕船也

此地理志常山國蒲吾下文  
紀要遂據之以爲明帝事也

又後漢紀明

帝治滹沱石曰河從都廬至羊腸倉欲令通漕太

原章帝建初三年從訓言罷之據紀要濊河蒲水分列兩水是也而地理志於蒲吾不言石曰紀傳則言石曰不言蒲吾章帝紀章懷太子註石曰河在今定州唐縣東北其文甚明蓋當日開渠特逆從石曰至蒲吾再從都盧至羊腸通太原蒲水爲濊水之下流而石曰又爲蒲水之下流罷石曰河卽是罷蒲吾渠而濊水之流不通石曰久矣石曰河且不得謂之濊水紀要又引寰宇記以濊水爲

卽石曰河非矣元和志房山在平山縣北五十里  
寰宇記作西北方輿紀要云縣西北六十里漢志  
蒲吾有鐵山卽房山也俗呼王母山亦曰西山元  
史河渠志滹沱自五臺諸山來至平山縣王母山  
口通興房山漢蒲吾縣後漢房山縣在西北俗名  
王母山則房山爲濺水滹沱河所經甚明平山縣  
志以蒲吾水在縣東十五里今縣東無此水寰宇  
記引水經注滹沱又東往常山城北

正定後漢  
爲常山郡

又

東南爲蒲澤俗謂之蒲澤口前漢地理志常山郡  
蒲吾應劭註蒲水出中山蒲陰東入河又中山國  
曲逆蒲陽山蒲水所出東入濡張晏註濡水於城  
北曲而西流故曰曲逆章帝改曰蒲陰在蒲水之  
陰則疑入河爲八濡之訛又或因蒲水之下流  
名蒲澤或因濺水通流入蒲名蒲吾渠均未可知  
而蒲吾渠之不通蒲澤又已久矣古迹久湮已不  
可考以理推之則蒲水爲濺水之下流二水固猶

存昔日入滹沱之微迹也

又東流八十里則有冶河自井陘縣合甘洶河綿蔓

水東北流注之謂之合河口

謹案冶河諸水並詳寧晉泊附載卷

元史河渠志冶河在真定路平山縣西門外逕井

陘縣流入本縣東北十里入滹沱 明史地理志

平定州東有綿山澤發水出焉卽冶河上源合沽

水東流至平山縣入滹沱

謹案沽水出上黨郡壘關漢志水經注皆云入

淇方輿紀要謂入澤發水明史謂入滹沱皆誤

井陘縣志甘洶河源出

山西平定州松子嶺歷縣界楊莊口又北流至橫  
口村入綿蔓河綿蔓河發源平定州綿山歷娘子  
關五里入縣界南峪村屢折而東至縣治又經數  
十里村北抵平山合河口會於滹沱

謹案甘洶河自從松子嶺入綿蔓河自娘子關入  
自是兩水紀要旣以甘洶河爲一名冶河又云出  
綿山卽澤發水合綿蔓東北流入平山則又以綿  
蔓之源爲甘洶之源而又以甘洶合綿蔓也而於

綿蔓水又云卽甘洶支流則綿蔓反無源也水經  
注桃水山上艾至井陘關下注澤發水逕綿蔓縣  
自下通謂之綿蔓水原委甚明紀要誤也又甘洶  
河綿蔓河俱爲冶河上流則甘洶綿蔓皆可爲冶  
河而以源出澤發水言之則當以綿蔓水爲冶河  
向來諸志以屬甘洶河皆誤 又案冶河畿輔通

志云卽古太白渠流逕井陘合綿蔓水又東北逕

平山縣

此似太白渠卽甘洶河特變其名耳

一統志冶河舊自正定



縣西入滹沱今改流自平山縣又東逕獲鹿縣北

正定縣南樂城縣北達於汶水上流卽古綿蔓水

下流卽古太白水亦斯汶水之上流也

水經注斯汶水首受

太白渠太白渠首受綿蔓水則太白渠爲汶水上

流綿蔓水爲太白渠上流與漢志合此似以冶河

居綿蔓太白汶水三水間且冶河又爲一水矣考冶河今由井陘縣劉家

會村至平山縣西冶村入境逕賈北村抵城北合

河口入滹沱河長十五里統志蓋猶仍元史之舊

也前漢書地理志太原郡上艾

今平定州

綿蔓水東至

蒲吾入潯沱此卽今冶河入平山潯沱之舊道也

又常山郡石邑

今井陘

下云井陘山在西浚水所出

東南王陵陶入泚蒲吾下云有鐵山

紀要以爲卽房山則此山

當在潯沱之北今冶河在潯沱之南漢志亦第云縣有此山耳非謂太白所出也

太白渠

水首受綿蔓水東南至下曲陽入斯浚水經注綿

蔓水又東逕烏子堰枝津出焉又東爲太白渠又

東爲成郎河又東爲宋子河又東爲斯浚水斯浚

水合泚水入衡水則是太白渠爲綿蔓之分支另

入衡水而綿蔓則自於平山入滹沱今之冶河入  
滹沱者猶昔之綿蔓而分支之太白渠或已湮斷  
不通耳若甘洶河則與綿蔓未嘗不合也

又東流十里逕平山縣城北又東流四十里逕王角  
村

謹案平山縣滹沱河自惡石口流逕惡石村西北  
自秘家會村洪子店鎮南莊村柏卜村朱濠村  
興村大齊村小齊村王田村水碾村田營義羊村

曲隄村流逕縣東石橋村東皮村出境長一百八  
十里

又東流入靈壽縣西南境又東流二十里逕忽東村  
則有嵩陽河合溫泉水卽泥河俗呼淤泥河東南流注之

元和郡縣志滹沱水在靈壽縣西南二十里畿

輔通志嵩陽河在靈壽縣西南五里源出楸山東

南流入滹沱方輿紀要溫泉在靈壽縣東北二

里俗呼泥河水隆冬不凍下流入松陽河泉旁多

稻田俱賴灌溉

謹案嵩陽河又名松陽河有二源一出縣西北之萬裏村許家莊東南流逕馬莊趙家莊曹家莊其西爲桑家莊有支河自李家莊南來會之又東南流逕紫家莊貫莊又有貫城村支水會之又東南流逕富安川隄下村北狗臺南狗臺景上村至西凡同一出縣西北之柳家莊東南流逕寨裏又東南爲聖水窪

（一統志）在靈壽縣西源出縣西北二十五里泊石村之隄水峪亦曰聖水

窪上有清風砦又東南流逕南白石社又東南流逕上下

邵村又東南流逕北中南朱樂村又東南流逕南

北凡同與萬裏村之一源合又東南流逕吳家莊

又東南流逕縣城南之岡上村又東南流逕凍合

村則有淤泥河自縣北西北流合焉又東南流逕

崗頭又東南流逕胡莊又東南流逕木佛村西入

於滹沱河長三十里又案靈壽縣滹沱河由縣

西南楊家窪東西王角村至縣東南牛城村忽東

村南合村同下社流行二十里忽凍村旁有碑題  
冰堅可渡處考光武冰合渡河在深州饒陽界所  
謂危渡口是也不在此

又東流七里逕木佛村有衛水自縣東北南流入焉  
又東流逕縣東南界

前漢書地理志常山郡靈壽禹貢衛水出東北入  
滹沱 明史地理志靈壽有衛水源出恒山禹貢  
恒衛旣從卽此俗名雷溝河 陸隴其衛水尋源

託靈壽縣東北十五里有良同村衛水發源於其  
北卽禹貢恒衛旣從之衛也山良同村東南流四  
十里而入於漳它河衛在恒陽特一小水耳而見  
於水經見於漢書見於禹貢其名赫然蓋此水在  
唐虞時或苦泛溢不似今之安瀾且按今松陽淤  
泥慈沙諸河皆逼近於衛安知當時不同匯於此  
源遠而流長非僅如今之限於四十里也

謹案衛水發源靈壽縣良同村泉源一畝餘其深



莫洲村民飲畜多溺焉遂束草數萬輦土石塞之  
泉雖存而出甚微遇旱則涸其水東南流逕北托  
社又東南流逕東托社朱倉村北湖村南湖村紀  
信臺白馬岡南紀城三聖院又東南流逕木佛村  
又東南流逕下同村行十二里而南入於潯沱方  
輿紀要引水經注衛水出靈臺縣西東北入潯沱  
西字疑衍且水經注今本亦無此文禹貢雖指謂  
恒卽滹水衛卽潯沱以山海經漢志所稱之滹與

滹沱爲卽禹貢之恒衛禹主名山川曲陽以下之  
滹本名恒靈壽以下之滹沱本名衛其出高是秦  
戲者則恒衛之別源自周以滹池嘔夷爲并州川  
其名著而恒衛之名遂隱蔡氏因自恒衛爲小水  
而經義幾不可通其說雖辨而實非也考滹水本  
非嘔夷辨見滹水今謂以滹池嘔夷之名而隱恒衛則  
恒衛之名本未嘗隱而以恒衛爲滹與滹沱反欲  
以恒衛隱滹水滹沱之名也且欲辨恒衛之非小

水乃名爲恒衛實爲滹水滹沱仍無解於恒衛之爲小水也禹貢所載固屬大川但沱潛不過因江漢之出入非可指名之大川也而亦附江漢而見可知但視水之所係爲重輕不必定存其大也且旣以高是秦戲爲恒衛之別源則恒衛正源又在何處恒自入滹衛自入滹沱恒衛自有源且不得謂之出自滹水滹沱而乃尊禹貢之文遂據旁入之水而反欲沒其正流甚無謂也

又東流逕白莊村入正定縣西北境又東流四十里逕其城南有冶河舊渠西南自獲鹿縣界入今已不通

謹案滹沱河今在正定縣之南元史方輿紀要皆云在縣南一里縣志云三里相去亦不甚遠元和志寰宇記皆作縣北一里南與北則太相遠矣考正定舊治東垣在今縣治東南八里吉甫所云當指東垣舊治樂史仍之特縣治在唐初已移於今

吉甫何以尙據其舊或當時亦有所未考也又治河在縣城西南隅十里許由平山獲鹿縣境流逕太保莊入縣境由蕭家營古城高家營歸入滹沱河計長二十一里經年乾涸夏秋雨潦藉以宣洩附近積水 附趙文奎治河考畧治河自趙波口爲王村王村四爲孫村皆枯漕或鹵澤又西至三教村此今河源委也王村北有枯河民種植其中北通滹沱之支河俗謂之蓮糧河漢唐遺踪不可

復尋今支河起自馬山滹沱不漲不來漲時受其  
溢東行五十餘里至恒山古城復入滹沱以遠真  
定之患然亦不能至王村之枯河而況治河歟蓋  
治河自元時於平山縣東潰嘉陽堰入滹沱爲真  
定城西南之害其不來久矣今滹沱去真定西南  
十二里所謂嘉陽堰者已淪沒無跡徒馬山河尚  
存而亦不行

又東流十里逕縣東南則有周泉韓泉大小鳴泉白

雀泉自西北東南流爲柏棠河南分爲清水河又東繞城東出爲東大道河又東逕林濟村爲林濟河南流入焉城北有旺泉河合闢家溝水東流折而南轉分流與林濟河合注之

謹案西韓河在縣西二十里

趙南星雕橋莊記西韓老今稱周河者也

往真定令周應中濟渠教民種稻幾千畝迄今刊之故稱周河 綴輔通志雕橋泉東南流爲周河

源出縣西北大鳴泉

方輿紀要大鳴川在縣西北六十五里源出橫山嶺西園

箔口下流注於滹沱 里西韓河上源也有泉數十穴大者如車輪少東

綴輔通志在縣西北三十

爲小鳴泉明萬厯四年知縣周應中濬又開三陽河俱由丁家橋斜角頭李家莊入河 謹案韓泉周泉大小鳴泉今爲四泉 圖說謂之清水河河亦韓泉在周泉大鳴泉之間

由西漢村並大小鳴泉在棠村閘流向東南由大孫村等於斜角頭隄外流入滹沱計長二十五里柏棠河在縣正西八里亦由西漢村逕叩村刁橋村出棠村閘注護城河長一千六百一十四丈護城河由均注閘引水東流分注一逕大林濟村爲林濟河南流入滹沱一逕東關廂等村爲東大道



河東流合旺泉河河在縣東北三里許乾隆三年  
積土成臺泉周其址建導醴亭於土泉東逕西洋

村上寨村朱福屯盤桃村

閻家溝在城東隅一里許亦由上寨西洋等村

人長十五里一百五十四丈與東大道河合流入

藁城縣固營村爲只照河白雀泉相傳舊在白雀  
寺故名山郡城南關廂橋下逕木廠村入滹沱泉  
源湮涸惟雨潦藉以宣洩積水響聞水在縣城外  
東南隅源自城河西北隅經此南山出流急有聲故

名 又案滹沱河自平山靈壽以上山狹土堅無  
大壘移至此則平原曠野四衝馳突非隄防不足  
以禦之而故道支流亦時時潰出焉

又東流十里逕張家莊入藁城縣北境之故營村

俗爲

固 歷隄裏社九門南

謹案藁城漢爲九門縣方輿紀要九門城在藁城  
縣西北二十五里元和志滹沱河在九門縣西九  
十里寰宇記作西北十九里寰宇記爲得之又滹

沱今流九門南而元和志作西寰宇記作西北明  
史河渠志明初故道由藁城抵晉州故今在九門  
之南

又東流十八里逕只照村

一作  
枳照

旺泉自正定縣東南

流爲只照河注之又東流十四里

元和郡縣志滹沱河去藁城縣二十里 太平寰

宇記在縣東二十九里 明史地理志藁城北有

滹沱河 藁城縣志河在邑城北四公鋪而南迤

近城隅東注一里許復東南下此河變遷不常明  
成化間縣令黃瓊常引水於城濠宏治四年泛漲  
徙城北八里湮沒田廬後復自北而南仍東注晉  
州南關迤邐而東

本朝順治十一年自晉之上流藥之正公村東衝突而  
東南沿村十里過周頭入白牧河康熙七年又自  
正公村上流陳村中間衝突仍東南過周頭白牧  
河且河之上流有小豐屯去城二十里小豐之河

口不塞則潰決之患未已也

謹案滹沱自正定縣東流入藁城南北二十里間  
皆其縱橫馳驟之道游波靡定故水道有不同漢  
藁城故城在今縣治西南元和志所記蓋卽隋以  
後治所也又白牧河志乘皆無其名考藁城南北  
有白陸村寧晉縣志作白末或卽白牧之訛與滹  
沱故道從此入晉州今改從縣東南蓋因村以名  
河卽滹沱正流也又只照村自正定縣正東屬之

朱福屯村卽旺泉河也東流十八里入藥城之故  
營村東經莊上村隄里村只照村入於滹沱河

又東流二十二里逕縣東南又東流五里入晉州西  
南境又東流三十里入東鹿縣西境又東南流逕衡  
水縣安濟橋又東北流逕深州南自武強縣之東南  
境東北流五十里逕完固口至獻縣臧家橋以卞爲  
子牙河

謹案乾隆五十年滹沱河決廣陽隄河流南徙自

趙州寧晉與滏陽河合計程一百里向由晉州東

鹿深州衡水入滏陽河計程一百六十餘里

詳前道脩

治又案河流善徙不但與唐宋以來示在正定

卷

縣北十三里者懸殊卽順治十二年南徙自州頭

村經釣魚臺東南流入束鹿縣百尺橋與清水河

並行之道亦殊雍正乾隆年間自晉州西界之西

趙莊韓莊之道亦不符合乾隆二十四年改由河

頭村下入束鹿曹家莊逕寧晉好畤村曹谷莊段

家莊四芝蘭紀家莊分東西兩股由冀州管疙疸  
村歸舊道入滏陽河長四十里河身已淤爲平陸  
矣蓋或南或北迄無定所千支百派任其所如歲  
月遷移大勢總趨於清水河約畧固可得而言也  
又案廣陽隄廢難以修復滹流漸向南趨嘉慶  
四年將寧晉縣浚口衝決大營上村等河槽俱被  
淤塞雖經挑濬旋即淤阻近年來因冀州新河寧  
晉隄工俱有漫口通連寧晉泊商艘民船皆由冀



州之柏牙莊新河縣之大田莊寧晉縣之侯家口  
等村挽入寧晉泊河泊相連積潦難涸改道之議

所由來已

詳滏陽  
河篇

畿輔安瀾志

王履泰恭纂

滹沱河卷二

故道

滹沱未徙之前其故道自藁城縣東南入晉州

漢曰鼓城

流逕州城南爲新河道又東流三十里入東鹿縣

唐置

漢曰安定  
隋曰鹿城

西境之東張岔口二派分流而合於縣東

南之石千村回生村凡二十里出境

元和郡縣志鹿城縣在縣西北四十五里 方輿  
紀要在東鹿縣南三十里自晉州流逕縣境

謹案漚沱遷徙衝突晉州東鹿當其下流被患尤  
切一由晉州州頭村之西張岔口東接縣境之東  
張岔口繞城南而東抵深州之西南界入衡水縣  
此卽晉州志所謂新河道也一自東岔口分流東  
逕鄉井回村生村下流與新河道合此雍正四年  
所決之河也改由西曹家莊則仍康熙五年由彭

六莊裏抵東曹家莊入冀州隄北村歸滏陽河之  
舊道也新河道之北昔有支流二道交纏入正河  
或漫入深州亦皆涸視明代以前言之水道迥不  
侔合矣

又東南流自東鹿縣舊道入深州衡水與滏陽河合  
其自東鹿舊道之南境入寧晉縣東北之白木村合  
滏陽河者南流東轉西北境入冀州

漢曰信都

爲滹滏合

流河

漢書地理志信都國信都故滹沱河在北東入海

滹沱故道在正定縣南者爲元明時所開濬今已湮

南泛於藁城晉州入趙州之寧晉縣曰鹹河

鹹河入寧晉泊

詳寧晉泊篇

寧晉縣志如滹沱泛漲自劉陸孟村以至大陸白

水百尺溝俱洪波泛濫之處直接北泊河南歷藁

城寧晉晉州入滏陽達衛河以入於海東鹿深州

武強諸處故道不一壅決不常遷徙靡定

又南入寧晉胡盧河

詳寧晉  
泊篇

方輿紀要正德十一年漳河由縣南徙明年滹沱  
由縣北徙蓋前此皆滙於胡盧河至此復分而南  
北出也 畿輔通志滹沱故道在寧晉縣西北明  
成化八年河決晉州紫城口入寧晉泊正德十三  
年紫城口淤塞河分二股一南由寧晉一東溢東  
鹿未幾併由東鹿而寧晉遂無滹沱之患 天津  
縣志自滹沱南徙由賈家口而入淤塞溢河故道

衝決淩口等村雍正三年滹沱南徙泊永始得洩  
其北自晉州流入束鹿縣以達於冀州衡水縣之清  
水河卽滹陽河詳滹陽河篇曰新河道近復南移此道遂淤

明史河渠志滹沱河明初故道由藁城晉州寧晉  
入衛其後遷徙不一挾衆流而潰往往成巨浸洪  
熙三年夏晉定深三州藁城無極饒陽新樂寧晉  
五縣低田盡沒而滹沱遂久淤矣 晉州志河自  
正定府又東九十里至晉州去城數武繫紆如帶

漫入東鹿安平饒陽武強至直沽達渤順治十三年南徙山藁城南彭村經晉州州南村北釣魚臺麗家莊胡士莊寨入東鹿縣百尺口橋歸清水河並行一統志雍正三年滹沱又東徙決州鎮直衝東鹿咸請障歸故道仍入寧晉泊怕賢親王以泊乃三郡衆水滙歸之地不可復令濁流淤塞乃由本邱至焦岡入滏陽河疏濬導水南流又於州頭村出壩障其東下自是東鹿無潰決之虞泊水



亦免淤填之患

詳脩治

東鹿縣志明天啟三年水

從晉州境涅盤村入東鹿境由南位伯川等村衝  
破南隄北行由河莊等村入深州張村現在東西  
大河身一道今無水

本朝順治二年從涅盤村舊口入東鹿境改道由大馮  
等村入安平縣角邱村現任大河身一道今無水  
順治十二年自晉州境寨子村入東鹿境百尺口  
橋歸清水河現行水道康熙五年自寨子村入東

鹿分五路一由彭六佐等莊入冀州是北村清水  
河一由張岔口岔河一道由陳家莊等莊入深州  
境內清水河一由岔口村岔河由木邱等村入深  
州境內孤城村清水河一由劉家莊岔河由漢口  
村韓林莊入冀州趙家莊清水河一由棗營村岔  
河由三間房等村入深州境內清水河

謹案東鹿縣滹沱乾河上自晉州之東南西張岔  
口村起由縣之西南東張岔口村木邱村傾井村

西城村孟觀村棗營村厯縣正南趙古營回生村  
下入深州西南徐家屯村長四十二里歸滏陽河  
自乾隆二十四年七月間淤斷水勢南徙又有引  
河一道自晉州東南之石碑莊起至縣西南東張  
岔口村木邱村彭六佐劉家莊新興村東城村耿  
虔寺張光村至縣正南之花里村三樹村溫朗口  
孟家莊入冀州之隄北村雍正九年河流北徙枯  
斷矣乾河溝一道上自晉州東南河溝村起由縣

之正西八里莊傅家莊田家莊張家莊辛集歷縣  
之西北劉奴營月營殿士營通士營竇家莊蔓延  
至縣之東北理順井村下入深州西北之馬蘭井  
村如遇水勢大漲由此溝流注武邑之龍治河又  
自網子村岔流東北逕迺家莊又北逕墩臺白龍  
邱貓兒營屈東與八里莊之支流合於田家莊乾  
隆二十三年六月水勢漫決乃築三壩禦之其水  
又北屈逕城西關外遶城西南隅之南莊歷城東

南合於新河道又晉州城北漳沱河故道微有河  
形自藁城縣兩河村入州屬之北辛莊起至東曹  
村止長四十三里

其越河而東南出者爲鹽河則有枯澤水舊自南宮

縣流入之

詳漳水篇

其自藁城縣東泛於晉州暨永鹿縣境又東流衡水  
之西又東流南轉逕張家園分大小二支大支南逕  
焦旺村卽焦園村小支東北至河溝村逕石橋上下沿注

於滏陽河

謹案滏沱自二十三年南徙入冀州遠去深州百餘里至是乃復北出而衡水上下並當衝道起周之徐家屯東流逕丁家屯李家屯孫老人屯朱老人屯復屯陳家口逕花里村出境南入衡水縣之橋頭村又南逕柳林村趙家圈張家圈而分大小二支大支東南流逕野頭又折而南流逕三海又南逕焦旺村在衡水縣之東南境小支亦自張家

圈北逕李家鋪折而東轉逕胡家堂至河溝村下  
入石橋在縣之東北境並滙流於遼陽河

北起平山靈壽縣而東滙滋水出於行唐無極新樂  
深澤四縣之境爲石臼河危渡口神渚水下入保定  
府博野縣境與唐滋沙三河會

太平寰宇記行唐縣滹沱水出代州西流至忻口

而東出房山縣界

謹案今爲平山縣

其源自派山下理所

沿渠兩渠至下博非方舟不濟矣無極縣滹沱河

南去縣三十里從西南鎮州九門縣東界復東流  
南逕深澤縣南資河從鎮州九門縣東北界來流  
入無極縣界東南入滹沱河深澤縣危渡口在縣  
東南三十里范蔚宗漢書光武爲赤眉所追南馳  
至滹沱水合軍渡旣渡其水遂泮因名又博野縣  
滹沱河在縣南三十五里方輿紀要深澤縣有  
神渚水滹沱滋河之水衝嚙所成方廣四百步其  
深無際又東北入祁州界合於沙河



謹案石曰河

詳見原委卷及沙河篇

神渚水互見沙河篇

宇記以平山縣濊水並有石曰河鹿水木刀溝袞  
袞水之名考行唐有石曰谷見郡國志井陘水爲  
鹿泉見水經注新樂有木刀溝因民木刀所居而  
名見新唐書袞袞水未知何據或因嘉河沙河而  
訛爲袞袞要皆隨所歷而名之耳據後漢書章帝  
紀罷潯沱石曰河是潯沱之通以石曰河爲主石  
曰罷則不通潯沱矣故止存石曰河而鹿水木刀

溝袞袞水皆略焉 又案危渡口通志略地理通  
釋皆謂在深澤縣東南晉州志有東河頭在州治  
東十八里謂爲光武渡河水合處據光武帝紀北  
徇薊至饒陽至滹沱水合得過進至下博城王霸  
傳率馳至下曲陽至滹沱河馮異傳自薊東南馳  
至饒陽蕪蕪亭至南宮因復渡滹沱河至信都章  
懷太子注滹沱河舊在饒陽南至魏太祖曹操因  
饒河故瀆決令北注新溝水所以今在饒陽縣北

下博城屬信都國燕薊亭名在今饒陽東北南宮  
縣名屬信都國今冀州縣也光武紀渡滹沱河至  
下博城西見白衣老父曰信都去此八十里耳是  
自北而南傳先言至南宮後言渡滹沱河南宮在  
滹沱河南百有餘里又似自南而北兩文全相乖  
背迹其地理紀是傳非此特辨南宮之非而王霸  
傳曲陽則未之辨也下曲陽屬晉州故方輿紀要  
晉州志俱有凍河頭之說蓋饒陽深州晉州相連

接皆爲潯沱所經又烏知當日之渡定從饒陽下而不從曲陽乎原不必深辨至必欲定爲饒陽而非晉州遂以疑下曲陽爲下博之誤則荀悅漢紀亦作下曲陽而下曲陽在河之北下博在河之南一是既渡之後一在未渡之先紀傳本自分明又明統志燕薊亭在潯沱之濱正定府志當日霜恐驚衆欲目前阻水詭言冰堅如在河濱則已阻水矣此蓋後人附會爲之而不求諸情事也至寰宇

記深澤縣又有五鹿津舊說以五鹿引軍渡河而  
名則更無稽矣故止存危渡口而蕪蕪亭五鹿津  
闕焉

其自晉州北泛於深州河間天津之境曰鴉兒河

方輿紀要晉州鴉兒河在州東北流入祁州東鹿  
縣南十里復合於滹沱又分流而東南出入深州  
界今淤深州在州南二十里下流合於胡盧河志  
云河在滹沱清漳間蓋支流兩分合而爲河因名

鴉兒滹沱南北橫決羣川之流皆亂鴉兒河源流  
斷續不可復辨 一統志滹沱河舊自保定府東  
鹿縣流逕安平縣南又東逕深州北又東北逕饒  
陽縣北入河間府獻縣界舊志滹沱河自宋熙寧  
以後往往決溢金元至明決徙數見 深州志鴉  
兒河一名丫兒河舊志未溯其源但云自晉州逕  
流東鹿縣南十餘里達州境在州南二十五里春  
冬則涸遇霖潦則盈在衡漳滹沱之間不知此河

蓋發源正定城北關外東流南向再轉而東歷藁  
城逕晉州由東鹿漸達州境自漳沱北泛河自藁  
城南注之二水並流而鴉兒河故迹遂湮沒不可  
求矣

或東北逕深州安平饒陽二縣界或東北逕冀州衡  
水武邑二縣界或東北入武強縣之清水河曰白馬

河曰交津口

互見  
漳水

水經注漳水篇白馬河注之水上承漳沱東逕樂

鄉縣北滎陽縣南又東南逕武邑郡北而東入衡  
水謂之交津口（太平寰宇記饒陽縣枯白馬渠  
在縣南今名白馬溝上承滹沱河東流入下博界  
故滹水經云滹沱又東有白馬渠出  
（謹案水經  
無此文李  
公緒趙記云此渠魏白馬王彪所鑿俗謂黃河

方輿紀要白馬溝在深州東三十里三國魏白馬  
王彪牧冀州引滹沱入於清漳以溉高邛之田今  
廢交津口在武強縣東蓋昔時漳水經流之道也



謹案三國志本傳彪以黃初七年自吳徙封白馬  
太和六年改封楚永嘗爲冀州牧亦無鑿河事自  
曹操自領冀州牧至丕猜忌諸王無由得爲州牧  
考正定府西北有白馬岡後魏置白馬關金大定  
十七年滹沱河決白馬岡河蓋因地得名也

又有龍池河門家溝駱駝灣

水經注衡漳又東北右合張平口故瀆上承武強  
淵淵之西南側水有武強縣故治故淵得其名焉

衡漳又東北左會滹池故瀆謂之合口 畿輔通

志龍治河一名龍知河滹沱支流也自深州東南

流入武強縣合於漳水 〔深州志〕龍池河一名龍

治河卽武淵 武強縣志龍治河在縣南八里卽

滹沱支派東流入清漳 〔方輿紀要〕闕家溝在武

強縣東志云亦滹沱末流也與縣南八里之龍治

河合而東流注於清漳駱駝灣在武強西北五里

滹沱決溢時此爲鍾水之處稍東南曰吳家灣

謹案龍治河係滹沱岔支上接深州三龍堂自武

邑縣屬柳家莊後入境起

有牛村溝在武邑縣長十里入龍治河乾隆四

年至羅家莊後出境長三十八里寬八丈入武強  
縣城西南鄭家村大村廠岔河村歸入縣滹沱匯  
流河長三十五里

又東流入深州西南境自深州南溢入冀州之清  
水河

謹案深州滹沱正河由東鹿縣回生村流入州境

之西南由孫老人屯朱老人屯至陳家口出境入  
衡水縣之橋頭村長三十里乾隆二十四年秋汎  
水發時由上游東鹿界南遷州屬無水又故河一  
道自東鹿縣木店村流入州境之西南孤由城村  
吐露口出境入衡水縣西之浪子橋長四十八里  
久經淤平間有微迹百姓布種禾苗又岔河一道  
由東鹿縣理順井流入州境之西南由馬欄井村  
至趙劉高張圈卽行分勢南股由州屬郭錢屯大

屯王寧北股由州屬陳二莊護駕池同至三龍堂  
出境會入武邑縣之西北崔家龍堂久經乾涸

其北逕安平縣南境又北逕饒陽縣南境又東自饒  
陽縣分支入肅寧縣東南境下逕獻縣河間二縣境  
曰饒河呂漢河岔河乾河崖又東北逕任邱雄縣文  
安保定縣境歸五官淀匯流入海曰洋河卽唐河故

道也

詳見唐  
河篇

明史地理志安平縣滹沱河舊在縣南萬歷三年

自束鹿縣南行始不經縣境 安平縣志滹沱河  
在縣南隄外從束鹿縣來東北過饒陽縣境人淀  
歸海此水去來無常或二三十年一至或四五十  
年一至至則或行十餘年或行二三十年水多縱  
橫流無定渠順治五年滹沱水復至 方輿紀要  
滹沱河在饒陽北宋白曰決處卽平虜渠也饒一  
統志古饒河在饒陽縣西南三十里水滹沱支流  
昔時北注易水今湮魏武開平虜渠饒河爲滹沱

所奪今所存者上流之餘水耳 饒陽舊志饒河

在縣西南三十里一在縣北七十里卽呂漢河一

在縣西北二十里卽岔河一在縣北二十里卽土

滋河一在縣南十里卽黃河故道 又滹沱遷徙

無常明自萬歷十三年後倏南倏北大爲民害

本朝順治二年秋滹沱水徙饒北自明天啟二年後舊

志不載徙城南年月據稱是年及三年四年自安

平經縣境支窩村入呂漢河其後徙去縣境土人

未詳年月通志順十二年河由東鹿決入冀州境其卽此時歟

謹案饒陽縣志饒陽水北去縣四十五里寰宇記云舊在縣南光武所渡處魏武帝因饒河故瀆決令北注新溝所以在於縣北後刺史楊真改爲清寧河是也通志於安平院西口河下云西通祁州沙滋漚三水分流入饒陽界注於潯沱今考舊志所云滋河距魯口故城正四十五里院西口河卽



滋河下流而通志直云注於滹沱則是河爲魏武

決後之滹沱故道的矣其名爲滋河者或因滹沱

南徙故受三水下流因據其南一水而名之耳

三水

淹居北沙居中滋居南淹水亦名唐水土人至舊或呼滋河爲唐河亦因其北一水而名之也

志云黃河故道在縣南八里今絕流其故道濶十

里兩岸俱有古隄見水經今考水經及注並闕此

文而古之黃河不入縣境意亦滹沱徙流之故瀆

也又據魏武因饒河故瀆決令北注新溝是饒河

在滹沱以北漢縣以南今縣境南自白馬河以北  
別無河形或黃河故道卽古饒河故瀆後爲滹沱  
所徙遂沒其實舊志於饒河云在縣西南三十里  
豈亦得於傳聞而非別有考証歟又饒河下接獻  
縣古洋河流經河間縣城東與古唐河合此卽鐵  
燈竿口之水道也其乾河一道卽寰宇記下博縣  
之傅家池今獻縣西北有傅家屯明史地理志深  
州滹沱河在東北有傅家池畿輔通志傅家池舊

受滹沱河水自河北徙池久淤今名乾河崖蓋其  
地界相接也乾溝上承安平縣來西起耿家莊則  
安平縣西南正西之所會也逕劉家莊又分爲三  
支一逕田家莊東流爲李家池白家池朱家池一  
逕東西支窩圈子裏傅村羅家屯東流爲張家池  
復合爲一東流至縣北之梁村與安平縣之西北  
一支會自後毛營起入縣境俗呼爲半截河卽所  
云岔  
河也與河間之又東流與西南正西二支總爲一  
半截河不同

派東流逕大小草廬小劉家莊小李家莊范安莊  
逕呂漢村名曰呂漢河又東流屈西則有小毛溝  
水入之小屯溝起自縣西南之聖水村俗呼爲古  
黃河東逕橫頭影林村小屯村舍房又南有古饒  
河下合乾溝而同入於河間縣之占洋河長三十  
二里又東北流至縣城東與古唐河會詳唐河篇又  
案安平縣乾溝三道皆滹沱之支流西南一支上  
接東鹿縣界入縣境東河曠角邱村劉家店劉曠

村其南岸爲大轉村杏貢村野營村新莊店下接  
深州刁家馬禪院村復東入本境之庄窠頭南廟  
頭徐家疔敬思村正西一支上接深澤縣界入縣  
境之崔安鋪白駝羅林家鋪子文店平頭北黃城  
東黃城別駕村郭西村路家莊王家莊天齊廟二  
支合流於縣城西南隅又東逕槐林店上官屯豆  
家莊而東北折逕東西遶家莊北張家隅南護家  
村曲家莊薛哥莊王哥莊東呈千毛家莊東廟頭

而入於饒陽之西境西北一支亦接深澤縣界人  
縣境香官莊羽林莊何家莊崔會村劉吉口新營  
村辛店村南蘇村傅哥莊崔哥莊欽石村東西牛  
具村油子村石家莊夏里村豆家口候家口前中  
後毛家營入於饒陽縣境又洋河爲滹沱分流亦  
曰羊河以上游有洋東五十二沱之目故以洋名  
之實卽唐滋沙三水競由之道也今唐河之流旣  
非故道而滹沱復南徙其別支之下由單家橋歸

青縣鮑家嘴入運者不復與此合矣

乾河今日新開溝

詳修治

自饒陽豆店

今呼賈村

東北入獻

縣之傅家屯百道溝逕橫頭留鉢小河屯閻家莊耿家莊馮家橋而流絕

謹案饒陽新開溝共有七溝俱乾隆五年知縣侯珏新開以洩各村雨後積水獻縣古乾河自縣西鄉稍南接武強東北境入又東北行經元昌樓之北過馮家橋之東長五十六里以下湮沒不可尋

求河身寬廣尚堪疏引瀝水土人呼爲古乾河上游在武強者則有滹沱乾河之稱當卽滹沱故道也

其東南一支入交河縣曰交河俗曰高河

高河詳唐河故道

謹案方輿紀要交河縣漢中水縣地宋曰交河以

高河滹沱二水交流而名滹沱河在縣北六十里

高河在縣西北五十里自河間縣流入境東流合

於滹沱又謂中水廢縣在獻縣西北三十里應劭



曰縣在易澹二水之中因名據中水縣在獻縣西北今交河乃在獻縣之東南則交河非卽中水縣地也以易澹二水之中言之則中水似爲今之高陽然無可考今之交河縣隔越在滹沱東南不特不在易澹之中易澹亦並不經其境紀要以交河縣爲中水縣地而又以中水廢縣屬諸獻縣其說固已歧矣乃旣於中水存易澹之文而交河不能遠取於易澹遂舍易澹而言高河而明史地理志

且卽以高陽縣之高河當之蓋取其近於易涖也  
水道古今不同或高河在昔自高陽直至交河與  
滹沱會未可知則又是中水爲易涖與滹沱之中  
非易涖之中也且紀要又以河間爲在高河滹沱  
之間而得名則河間命名之意反類中水中水之  
說終安所取証耶明史藁地理志直云交河北有  
滹沱河西北有交河不更云高河亦知高河之說  
不足據也又交河縣有高河一道上自獻縣呂家

莊東入縣屬姜家莊境由吳家潘村入獻縣境與古滹沱河交因下流宣洩瀝水不暢乾隆間於紅廟潘村北開許家溝長十里至西柏舟市村引入清河則高河本非大水卽高陽之高河亦非漳水可比交河似應以漳河滹沱河二水相交而得名不當舍大水而取小水也

其稍西北出逕獻縣河間二縣之境曰鐵燈竿河口

互見唐河故道卷

方輿紀要饒陽縣北有鐵燈竿河滹沱之水自此  
決入保定府蠡縣與滋河沙河唐河諸水滙流復

東溢於河間府城北

謹案一統志云今滙

皆謂之鐵燈竿水

志云上流自武強饒陽之境滙漳河滹沱之水又  
北接蠡縣沙澧諸河下流瀦爲陂池紆回散漫經  
府境西北地蓋平行幾數百里通靜海直沽以達  
海  
河間縣志鐵燈竿口其源出於漳水自冀南  
經博野滙爲汚池逾滹沱過紅沙港入河間城南

通利濟橋東北流至百姓橋北流達於海一股自蘇家口入滹水河一股至城北自徐見口入滹水河

謹案鐵燈竿口舊號四水大約以唐滋沙與滹沱並稱者至唐滋沙三河之水自祁州合流經博野縣爲楊村河引而東南流入河間府境滹沱之水魏武因饒河故瀆決令北注河間此四水之由饒陽入獻縣者也今滹沱別徙

萬曆三十五年滹沱橫決復由此道尋更

南唐河由蠡縣遷流自饒陽以下皆成祐渠矣  
其自河間縣迤東流入任邱文安二縣之境曰黃龍  
港河卽古長豐渠也

太平寰宇記長豐渠自長豐縣西南東城縣界入  
城西北與古漕河合方輿紀要滹沱河志云在  
任邱縣南二里宋時自高陽縣流入莫州金口分  
界東北流至霸州文安縣境內今滹沱正流在獻  
縣界宋人引水爲塘泊此其故道也長豐渠在任

邱縣西北二十里卽唐貞觀中刺史朱潭所濬其  
西南五里亦曰長豐渠開元中刺史盧暉自東城  
引滹沱東入淇水通漕溉田五百餘頃是也淇水  
卽今衛河 河間府志朱潭所開當卽白龍河盧  
暉所開當卽黃龍港河

謹案河間縣志黃龍港河在縣東北上流平漫已  
枯斷矣自當境臥佛堂流逕紫家莊中樂村入任  
邱縣之汪家莊杜家莊長豐鎮邵家屯楊子屯閭

家務韓家莊插莊約長七十里下入文安之大窪  
今涸今河在長豐鎮之東淤塞既久通流形迹無  
從確考寰宇記滹沱在縣西北三十里又東溢爲  
趙淀今川原改易滹沱經縣東未嘗逕縣西也又  
黑龍港在河間東又有白龍河在西詳見唐河府河篇黃  
龍河在中疑皆一時並流分洩之渠而以類名者  
也寰宇記瀛洲河間縣下云大浦淀又名大廉淀  
在縣西南四十一里水經注云大浦下導陂溝競



奔咸注滹沱故人因決入之處謂之百道口畿輔  
通志百道口在河間府城西南今肅寧縣白龍河  
與中堡河分支之南爲百道口繫之府城者以肅  
寧嘗廢爲鎮屬河間也

其東起自獻縣巡河間縣境下入順天府之大城縣  
而東北入天津府之青縣曰黑龍港河其斜出者曰  
王淋口支河下流入於靜海縣之鹽河爲子牙河

渠史河渠志緣邊諸水東起滄州界距海岸黑龍

港西至乾寧軍沿永濟河合破船淀灰淀方淀爲

一水

謹案此爲河名所自始滄州海岸與此無涉蓋新河而被以舊名也

一統志

黑龍港河在青縣西 天城縣志黑龍港河係滹

沱河支流一自縣西南遶南頭村入境迤邐至四

呈口與沿河會 自縣南曹家寺北流至四呈口

會流 畿輔通志鹽河在靜海縣西自河間府河

間縣流逕此與順天府大城縣分界卽子牙河也

文安縣志據一統志河水間滙易水者四正定

滹沱者十四滙易水者逕縣之西北滙滹沱者  
逕縣之東南卽達於武平雍奴下直沽入海其在  
東南者滹沱環文邑有三支北支由沙唐下白洋  
淀中支由晉州天宮口河間下五官淀南支由深  
州臧家橋鴿口窪鹽河下子牙河南支又分流由  
深州衡水清河單家橋下青縣到鮑家嘴入御河  
今中二支俱淤惟南北滙流南水泛漲湧溢鹽河  
自大城縣東南北注卽水經所云右出爲淀北爲

減口任邑志子牙河下流爲清河月河夾河三道  
同趨三角淀丁字沽而入於海淀口塞則水不歸  
三河全注文境

謹案黑龍港河有三支曰東黑龍港河

亦名馬家河

曰

中黑龍港河

亦名胡家店河

曰西黑龍港河係疏消上游

獻縣河間一帶潞水並無來源會歸子牙新河北

流由靜海縣新河一帶直達獨流老淀三支惟西

支最長首起獻縣東南之雙隄口東北流逕小屯

楊家園拋莊谷莊壘頭沿莊入河間縣之東柳村

苑各莊邢各莊孤莊頭曹家務留埝石佛寺寶店

牙兒莊則有王淋口支河

長一千一百三十丈乾隆五年知縣李時憲重

開自縣東北引注流入大城縣長六里有奇又東

北逕孔家務白塔務下入大城縣東南之遠南頭

其東岸則青縣之邢家務自此犬牙相錯矣又東

北逕長蘆灘周家莊大木橋紀莊任前莊前流莊

蓋益莊下抵空城村與中南二支會中支首起河

間縣之崔莊東北流逕賈村古家庵向新屯與東支合又從向新屯分支東北逕馬家墳入青縣程村吳趙下分流十里仍歸本河逕辛莊曹家寺白廟胡家店抵空城村與西支會東支起自河間縣西河頭逕向新屯與中支合又東北流逕水門店金家堂下有涵洞二又東北逕李豹家莊王鎮莊西爲空城村與西中二支合其下名岔河村合流而入子牙河西支長一百四十餘里東支長七十

餘里中支長六十里又青縣東支黑龍港河一道

南由獻縣盧家莊流入本境之西南由西河頭萬

良寺木門店馬家橋

東支亦名馬家橋河

至東空城會入總

支出境八大城縣界之西北段家莊子牙新河長

七十一里有中支黑龍港河一道南由獻縣向新

屯流入本境之西南由程村大曲頭趙官東白廟

均家店至東空城會入總支出境入大城縣之西

北段家莊子牙新河長五十九里有奇西支黑龍

港河一道與大城縣管里犬牙相錯青邑所屬四  
段第一段由西南河間遠南頭流入本境東入大  
城縣界長三百四十三丈第二段由大城縣界流  
入本境自塔務至邢家廟出境入大城縣長六百  
二十丈第三段自大城縣界流入本境至長蘆墮  
出境入大城縣界之北大木橋長七百五十丈第  
四段自大城縣界之西南蓋義莊流入本境由西  
空城至東空城出境會入總支流入大城縣界之



東北段家莊子牙新河長四百二十四丈四段共  
長十一里有奇大城縣黑龍港河一道自青縣濟  
家窯遠南頭起至青縣界新河口止長五十一里  
有奇辛張村前運河一道上接文安縣界崔家窯  
起下接霸州界豬頭地止長八里有奇北大堤自  
河間交界起至縣屬三岔口止接文安縣柴溝村  
界長八十一里有奇 又案臧家橋迤西爲滹沱  
河以東爲子牙河自楊家口分支繞蔡家窪至西

子牙橋歸入正河嗣因支河流暢以支作正又因  
歸入正河處形勢不順乾隆二十九年水利案內  
於東子牙村接挑新河二十里至瓦子頭匯入舊  
河以挑河之土築爲東隄水大之年新舊合爲一  
河東北自天津府靜海縣之王家口西北入順天  
府文安縣之東南境繞縣北流與霸州永清武清  
二縣分界會大清河入淀

其自獻縣完固口東流逕交河縣界至青縣杜林木

村與漳河匯流入衛卽漢志所謂別水也

漢書地理志河間國樂成潯沱別水首受潯沱河  
東至京光入潯沱河 〔水經漳水篇〕又東北至樂  
成陵縣別出北瀆酈註衛漳於縣無別出之瀆出  
縣境北者乃潯沱別水分潯沱故瀆之所纏絡也  
方輿紀要潯沱河在青縣南三十里自交河縣  
流入境合於衛河其合處爲岔河口並流而經縣  
東水勢洶湧濶數十丈

又東北至靜海縣下入滄州天津縣合衛河此卽漢志之別河也

漢書地理志河間國弓高滹河別河首受滹沱河東至平舒入海 又渤海郡成平滹沱河民曰徒駭河 魏書地形志滄州清池有徒駭河西隄畿輔通志靜海縣河在縣城西北自青縣合滹沱河流入境至小直沽與白河會

謹案滹沱遷徙無常跡其所行南趨晉冀北擾深

瀛其正流自北而南趨清水河奪溢陽河之道而別河別水依舊下合漳御下合潮白以海爲歸宿也其故道支流自正定以下不獨川瀆改移卽名稱亦亂而瀛莫之間其東南中間相距數百里所有乾河以漳河爲總支西北中間亦相距數百里頗多湮廢而以唐河爲古瀆以是推尋則昔時水道尚可約略其大概也 又案禹貢雖指云滹沱大川水經當自爲一篇寰宇記引經注滹澤滋水

枯白馬渠大浦淀四條今本無之似水經元有滹  
沱水篇宋初尚存而其後散佚滹沱原委不可得  
詳漢志代郡之鹵城常山郡之蒲吾靈壽南行唐  
新市信都國之信都河間國之弓高樂成渤海郡  
之成平東光參戶東平舒文安皆有滹沱河弓高  
樂成參戶又有滹沱別水而發源經過之地未悉  
今據元和志所載以補水經注之闕瀛莫二州境  
元和志亦闕寰宇記瀛州莫州霸州皆有滹沱水

此卽漢志所云從河東至文安入海者以今輿地

言之繁峙代州崞縣忻州定襄五臺孟

並屬山西太原府

靈壽正定藁城無極

並屬直隸正定府

束鹿博野

並屬保定府

安平饒陽

並屬深州

高陽

屬保定府

任邱

屬河間府

大城文安

並屬

順天府

諸州縣界中皆古滹沱水之所行也宋初猶

未改自塘梁既興引水歸北而文安之濱湮廢遂

以樂成

今獻縣

之滹沱別水爲滹沱之正流而古道

不可復問矣明天啟後漸徙而南至

本朝順治二年自東鹿南決入冀州與漳水渾濤而安平傾陽之地不復有滹沱矣滹沱在河北羣山中溢決尤甚未有數年不變者而從冀州合於漳水亦猶黃河之與淮合均爲古今水道之極變也胡氏據寰宇記以補水經注之佚其語甚明晰第寰宇記所引水經注佚文尚不止四條而太平御覽初學記九域志亦多有之今第取其可証者不盡錄也



附載

共水空桑之水漚漚之水鮮于之水

考今無

山海經北山經秦頭之山其水出焉南注於漚沱  
空桑之山空桑之水出焉東流注於漚沱石山漚  
漚之水出焉而東漚注於漚沱鮮于之水出焉而

南注於漚沱

註案北山經又有白馬山白木之水即牧馬水已詳原委卷高是也

滋水今入海歸海不  
入漚沱詳滋水篇

趵突泉

謹案方輿紀要在代州北四十里平地湧出其流  
達於滹沱山西通志作豹突泉云在州北三十里  
鴈門關西門外北流入桑乾河未知孰是

東鹿縣引河

謹案引河雍正四年怡賢親王開自晉州東南之  
土石碑莊起逕縣之西南東張岔口村木邱村彭  
六佐劉家莊辛興路車城村耿虔寺張光村厯縣  
之正南花里莊三樹村溫郎口孟家莊下入冀州

正北之隄北村自河水北徙卽已斷流若隱若見  
畧存其迹而已

### 浹河

明統志在武邑縣北三十里自清漳河分流至衡水縣界流經縣境入滹沱河一方輿紀要蓋漳水之別名矣

### 隄南河

畿輔通志在武邑縣明正德間爲河水所衝秋漲

通舟楫又東衝孫木寺一名孫木寺河

韓家河在武邑縣昌泥村由東北流入龍池河今涸  
龍堂聖井在武邑縣西十里

〔正定府志〕聖水井在武強縣南二十里地名三龍  
堂

交河在大城縣東二十五里因沿河黑龍港交流故  
名

孝順窪在大城縣西良村相傳唐太宗征高麗萬馬

飲之不竭故名

黃汭河

二統志在大城縣東北八十里其上源卽易水自  
文安分流入縣境南北入三角淀

謹案此爲子牙河分支上流與正支斷下流入於  
新河

楊家口支河在大城靜海二縣界起自閻留二莊東  
北行逕朱家窪分爲二派西支號牛欄河由王二莊

西入蒲港窪東支號官家河由三禪房北入蒲港窪  
自窪北行抵西賈口村東會黑龍港之流至老君泊  
散入桃花荷葉等泊歸於正支同出獨流其上游自  
大城東鄉楊家口分支故名乾隆五年疏引也今牛  
欄河已淤官家河一帶亦淤塞非大汛不復過水

夾河窪在青縣西北十五里卽倒流河之所經也

見漳

水今入東支黑龍港以其間於兩河之間故名

夾河窪土

窪而肥青縣人語云夾河熟青縣足乾隆二十九年  
開濬盤古溝洩夾河窪之水由十里窪以入於東支

黑龍港而麥  
穀皆大熟

五道溝在滹沱河下游東岸疏消夾河窪內積水之

乾溝也一曰王維溝在鮑家嘴村前長一里二曰擺

渡口溝在擺渡口村中長一里有奇三曰盤古溝青縣

志盤古溝在縣南十五里卽在盤古村前長二里四

清沱河溝之北岸有盤古廟曰塔寺莊溝在塔寺莊後長三里五曰流津莊溝在

流津莊後長四里均通窪內四五里遇窪內積水開

挑各溝引水歸入滹沱河水溝水口俱用土埂堵截

不致河水倒漾視河中水落則開併注之俾窪地涸  
出得以布種或滹沱水高於窪或窪內乾涸則合各  
溝附近認修村莊堵閉

〔謹案滹沱河所合諸水如唐沙滋滏漳旣自爲一  
篇其他河窪諸水所入尚多今各就所近或詳載  
淀泊漳滏等河其不專注滹沱者不更臚列以省  
繁複

焦家口引河在青縣段家莊西北康熙三十九年開



卽子牙新河也

十里窪在青縣西北五十五里夾河窪西北二十里  
周圍四十里古滹沱河之所潴也乾隆二十九年開  
引河一道入東支黑龍港

牛郎河在靜海縣爲子牙河之分支仍歸正流入淀  
一名牛欄河亦曰牛欄淀

獨流河在靜海縣獨留鎮舊爲子牙河經行之道與  
運河兩岸僅隔一隄

方輿紀要獨流河在青縣北舊志黃御河支流自興濟北流逕縣境又北流入於易水謂之獨流水舊時河流甚盛其後黃御分流遂致淺塞 靜海縣志獨流河在縣北二十里

謹案此河爲黃御二河昔時入海之道其後出臧家橋之子牙河一支最盛自復開新河而正支稍淤保霸文大等州縣南北縷河隄埝欲無衝決之患賴獨流不入之功也

蓮花泊在饒陽縣城東八里師欽村南今湮

恒陽第一泉在正定縣城西門外迤東護城河中

謹案縣志舊名甘泉爲縣中泉第一

北潭

乃輿紀要鎮州牙城曰潭城歐陽修曰常山宮後  
有池亦曰北潭州之勝遊惟此故牙城曰潭城

龍井在正定縣北龍王廟前

五龍井在晉州東門外宋乾德中鑿

傾井在東鹿縣治西南二十里傾井村

古龍井在安平縣西三十里深數丈泉出不竭

乾溝在深州有三道一自州屬之南境西景葫村起至涂洋口出境入武強縣之西南馬家莊長二十里一自州屬之西北刁家馬莊起趙家禪院出境入安平縣之西南徐家疇長十里一自州屬東北院頭村起至張邱村另從西南曹村起亦至張邱村出境合入饒陽縣之南境小韓村長十二里俱乾隆五年開

挑宣洩積水